

溫州府 印 卷之二

汲古堂集卷之十二

東甌何白无咎著

七言古體

古別離答鄧太素孝廉

斷蓬飄颻靡定時黃絲歷亂不可治  
兩物雙情有如此我今與子行見之  
風波奄忽與子別瞥若搏菡蕩迴雪  
我指石門谷口雲子乘彭蠡洲前月  
寸心未信隔千秋雲月何關兩地悠  
月至安知非石鏡雲來或恐是龍湫  
只今何人不忘故諸侯擁篲皆浮慕  
濯足須臨滄海流投緡且挂珊瑚樹  
行行離恨不須嗟去

去迷津未有涯好遣鴻書飛澤國莫教龍鏡落霜華  
同楊木父寫山水圖予分景得龍湫分詩得七

言古體

斷厓峻嶒幾千尺一片鐵花淡無色阿誰玩弄太好  
奇云是巨靈之所擘中有噴薄飛來泉殷殷雷霆起  
空寂玉龍夭矯出幽宮玉鱗銀甲紛狼籍迴飈吹作  
滿壑雲青天淋漓雨蕭瑟須臾斜照開石林赤霞倒  
影光相射鮫人明珠落萬盤天孫綃衣裁五色姑射  
僊人冰雪容笑躡紫烟下空碧山人大叫稱絕奇萬  
壑冥冥去無跡吳綃剪得挂君堂時有風雷生四壁

夜飲龍君御鹽官署中醉後放歌寄君超長公  
時君超使來有書相聞

君家住南楚余家住東越余謂阿龍故自超爾愛幼  
輿能作達握手容成太玉天赤城霞氣滄江月相逢  
何意卽相違甌海湘流芳訊稀閉門五見歲星改夢  
中思結春雲飛前年聞結燕臺轍策名未上黃金闕  
愁看烽火達甘泉夜歌飲馬長城窟按節能令易水  
寒開函自雪昆吾鍊田禾公子東歸時尺素寄予來  
越絕故情遠意篤綢繆錦字瑤函半燙滅君家愛弟  
金門僊一官棄置東南天夜深剪燭命尊酒共談夙

古今堂集 卷十二  
昔心茫然眼中貧交復誰是夢隔容輝四千里回鴈  
峯前使者來求舊猶然問踦屨寥落天南一寄書烟  
空渺渺獨愁予秋色布帆吾已辦思君兼憶武昌魚

武林客舍口占寄陳計部公衡

靈胥祠下寒潮白葛洪陂上晴霞碧錢唐客舍醉不  
醒夢中疑踏金陵陌滂郎官署如馬曹朝來但飽西  
山色平生不慣水衡錢一片秦淮清半壁江上夷猷  
思轉孤渡江雲去與愁俱稍待秋風蘇病骨共賒明  
月莫愁湖

送王笙臺應試南畿時乃叔致虛丈客遊金陵

并此奉寄

君攜緜嶺綠玉笙子晉臺前吹月明魚龍起舞波嶽  
立濯足萬里觀蓬瀛十年未薦南宮籍天上雲門人  
不識青袍復向金陵遊已見聲華動京國京國遙憐  
舊遊處城頭曉色鍾山樹楊花如雪撲金尊醉裡春  
風三十度振藻看君夙有聲翩翩詞賦軼西京談經  
應奪諸儒席隸事誰先六館英江左烏衣況名族定  
向雲津策高足時論瑯琊不乏賢也知王湛非癡叔

答錢功父

錢郎隱居吳苑西繞門碧澗搖虹霓虛堂溼翠如可

掃焚香晏坐疑林栖阿翁攻畫兼攻文錢郎攻文不

攻畫人間但購赤縣圖手澤唯存鄴侯架稽古還看

世業傳好奇間有門人借

功父尊公磬室先生博雅君子也手錄書數百卷以

畫掩

其才憐君繩武要爲箕先世遺編如啖蔗吟成五字

不干時握有一珠堪照夜墨林萬卷聊婆娑富貴榮

名知奈何君言去歲渡伊洛雪裡駢車臨渭河舖糜

何如對妻子衡門安得愁風波嗟余坎懍亦如此未

路何人託知己戴逵未卜剡谿居閔叔仍爲安邑累

當壚不供姹女錢迷方空乞侏儒米櫛具無光豪士

憐歌聲欲絕雄心死僕痛裘敝征馬疲夢裡青山二

千里西遊更問魯朱家五月還浮江上槎水面彈丸

龍子國雲中睥睨馬馱沙

時予將渡江訪朱氏

臨歧送我歌黃

鶴羽聲激揚風穆穆舉洲倘和越人篇東來好倩雙

魚腹

丹陽舟中別王涵虛北上

憐君少鍊黃金骨登晨名列虛皇闕夜半瓊波湧紫

房春午玉壺浮絳雪遊戲人間識者稀廿年碧海未

言歸太白山光猶在掌帝青雲氣欲生衣去年拄杖

登岳吹簫遙隨緜嶺鶴呼吸真疑帝座通步虛時

向天門落雲床夜宿清微宮凌晨足躡香爐峯靈文

五千闡霸祕羣山七十開芙蓉瑤編能辨古苔字芝  
檢更發金泥封

王君以甲午歲任武當注道德經

竭來買藥長安陌

肘後鞮囊飛八石方瞳炯炯綠筋生玩世何妨頭半  
白三竺秋清喜遇君毘陵江上復離羣他年共訪陶  
都水真誥巖前臥白雲

送龍谿吳吉先太學之嶺南席上口占

冶城城頭晝飛雪長千市上無行轍腸斷江南夢未  
歸淚添客裏同傷別憐君歷落佳公子不游狗馬游  
文史弱冠詞名埒子安眼底文章歸阿士珠含漲海  
月爲胎日浴漳江霞散綺黃金結客不言貧泰山一  
諾誼知己偶騎款段客燕臺忽逐飛鴻渡淮水淮水  
東頭舊僧舍賔從憧憧多俗駕逢君片語傾寸心痛  
飲悲歌每深夜可憐臘盡未還家象郡龍谿天一涯  
君到羅浮望明月夢中定憶賦梅花

委羽山房歌爲林叔度賦

劉根騎驥雲中行游戲半洲過赤城東逢若士卷龜  
殼南邀子晉吹鵝笙羽衣忽隨片雲墮此地長留委  
羽名委羽山窅何許中有九真開九府靈根出地蟠  
滄溟寒綠掃空拂天姥巖扃石戶若爲通芝蓋桂旗  
紛可觀林郎早具度世表十三學道思冲舉師事浮

邱稱鶴奴鶴背僊風吹六銖紫房蓮脆凝丹髓碧奈  
花開近白榆掉頭不住壺公山鍊藥於焉曾閉關忽  
向淮南攀桂樹無端長句落人間紫芝白石迥幽意  
紅塵赤日愁朱顏笑我朱顏忽已槁對君日暮傷懷  
抱何人更遇綏嶺桃有客曾殮閻河棗山中人兮歸  
去來願分片石吾將老

郝仲輿使君寄示對酒自輓歌并寫山水障子  
及玉卮一枚見貽山窗披圖被酒遂成和章

讀君楚狂歌試君玉叵羅一酌耳爲熱再酌顏爲酡  
西飛白日東流波我今不飲如君何爲君賡歌出金

石白楊颺颺悲風多浮雲一點等堯舜千秋富貴俱  
么膺阿房萬戶羣蠡課咸陽一炬流螢過羸顛劉蹶  
不須臾蠻觸方酣槐穴破金粟堆平鳥雀呼羅薦香  
消蠟燭賀卽令服藥求神仙逍遙何似壺中天卽令  
佞佛皈極樂快意須叅米汁禪眼前何必辨清濁盃  
底宜尋真聖賢安能冷坐黑山下乃與娑毘外道同  
作緣玉座金輿生貴甚牛羊落日空陵寢夜臺寂寞  
無酒壚白骨有知那得飲花間有鳥名提壺何可人  
不如鳥乎有田但種金釵秫有地須栽長頸葫君不  
見郝仲子昔排高議金門裏杞人憂天愁欲死正諫

謫諫徒爲爾鳳凰在野鴉在市日暮騎驢漢江涘驢  
背一笑拍手歌方晤昨非今日是楚人善怨惟屈平  
胡爲乎踟天踏地稱獨醒懷沙自沉非正命江魚不  
醉猶含腥君能一破楚人俗不讀離騷飲醪醑茗芋  
還從荷插遊升沉不問垂簾卜畫得青山當酒錢無  
用呼兒賣黃犢

木父老兄以書抵予云秋色甚佳思與故人握  
手一回相見一回老殊念念也予讀之悵然因  
足成篇用寄木父

一回相見一回老開函惻惻傷懷抱豈無未契託後  
生轉念故人攜手好思君咫尺限河梁盈盈一水兼  
葭渺昔予綺歲君壯年身與生駒鬪輕矯雄談頗覺  
四座傾鯨飲真令百川倒遙憐攬勝坐天獅頰窺下  
界飛雲鳥峯頭岸幘礙斗杓雪裏題詩行樹杪醉臥  
不知滄海春狂歌每見晨星晶流光荏苒廿載餘去  
日幾何兮髮縞誰從伏櫪賞權奇空自喚人看騾褭  
君公牛僧溷暑沽長卿犢鼻叅傭保閒投白社稱淨  
名研食僅能營一飽短章長句矢口成醉墨生綃隨  
意掃聊因當下自爲娛未論身後人爭寶予亦窮愁  
嬾著書莫問名山藏副草世間愛染漸破除方外襟



期足探討泥沾落絮罷顛狂霜入枯藤去纏繞莫辭  
頻過趁樵風林下放言傾綠醪河伯無爲海若嗤蒙  
莊大笑彭鏗夭

壽徐復初先生五十徐爲予仲子婦翁也

吾聞容成太玉天金庭石室相鈎連咫尺清都在人  
境世人遙望空雲烟徐翁家近洞天側登晨名注丹  
臺籍翛然抱膝寄一區塔爾放神栖八極農經軒記  
每自刪太上秘文皆鳥跡

翁世爲名醫

只今五十髮未華

軒軒玉貌顏桃花井通神瀆涌卅液日蒸林杏飄明  
霞余忝風期夙披縞丈人愛烏烏亦好昆邱片玉倚  
蒹葭岱岳長松引蘿蔦素心雅尙笑流俗林下披襟  
幾真討中年予亦慕長生曠士寧爲兒女嬰向平婚  
嫁他年畢共向靈鼈頂上行

程鴻臚墨苑歌

天都逸史金門客夙昔爲郎疲執戟尙乎不遇右文  
朝歸臥黃山頭欲白老奚墨法世莫傳程也神奇與  
之敵稀膏濃掃石林煙糜膠清和乎霜液試看圓璧  
開錦囊黯黯龍文動寒色恍疑陰魄薄瞻睇一規天  
鏡沉雲黑更看族類鬪紛葩懷奇珍異光相射或如  
貝闕爨靈犀紫鳳天吳自騰擲或如鐵網出滄波火

齊珊瑚紛的皪漢女應遺結佩璫天孫乍失支機石  
坐令好事播寰區學士篇章光煇艷伊予頗結陳  
知斷缺殘瓊能秘惜豈因劔閣待鐫銘不爲盾頭供  
草檄竹窻風雨弄新晴洗研臨池愛清適題詩爲乞  
兩三螺松間願老牀頭易

送陳行之游姑熟謁余郡守

陳郎七尺神鋒爽脩脩野鶴煙霄上慷慨何如燕趙  
雄風期頗狎雲霞長臨池墨盡筆洞精懷古詩成珠  
照掌尊前痛飲百觚罄醉後悲歌三日響夙昔曾爲  
大梁客徬徨日暮平臺側登臺長嘯悲風來千古雄  
心收不得範金空鑄信陵君夷門屠市無顏色歸來  
負俠家仍貧三逕烟蘿空復春賓朋滿坐日呼酒酒  
債依然傾四鄰故人今是當塗守鈴閣青山待君久  
澄江猶繞謝公樓定有新詩滿人口

寄壽高行之叅戎五十

君侯宿昔來旌旄臨江醜酒烹神鰲樓船壓波海氛  
豁牙旂忽捲青天高功成翻挂中山贖豐草長林自  
麋鹿醉鄉日月較舒長人間雲雨何翻覆只今半百  
髮未華匈奴未滅臣無家聊攀白岳三珠樹自理青  
門五色瓜家近天都酌天酒半部清商爲君壽聖王

行訓海外功能忘舊日雲中守

東吳袁無華徵君投詩見贈歲暮將返婁江歌

以奉答

袁郎藻思如袁虎濯濯風華雅吳語墨池遺法揚黃  
庭樂府新聲填白紵故人建牙東海頭劔裝翩翩來  
遠遊目極烟濤氣道逸挂帆坐狎滄溟流扶桑浴日  
湧鰲脊海市嘘雲飛蜃樓琅玕贈我何以報玉貌如  
君非有求作客經年滯於越夜深忽夢婁江月昨來  
忽枉山中書明發便爲江上別長至知君始到家過  
門臘酒正春華未忘永嘉山水好先期玉洞醉桃花

李將軍歌

李將軍桓桓萬夫特猿臂通身拓雙戟擘擘瞳光紫  
石稜颯颯風髯蝟毛磔四十登壇七命榮鵠印雙懸  
光燦絕方畧能追霍冠軍功名未數韓龍額談兵夜  
獵縹胡纓朔氣淋漓滿沙磧戟門金柝不聞喧風生  
大鹵水潮白襟帶南通鄴子城提封北繞無諸國日  
浴扶桑島嶼青波吞積氣閩天碧已看號令怖夷王  
坐令瀚海無鳴鏑伊余跳盪劔術疎裘馬濫爲兩都  
客虛勞千騎過蓬蒿欲借慙無繞朝策他年刊石醫  
無間贈爾如椽銀不律

送陸明府入計明府乃祖嘉靖間以名進士出  
守東甌有政績祠在孤嶼

雲間鼎族鷓鴣鸞藪奕葉承貂曠先後君侯出宰來東  
甌大父東甌虎符守祖德在民民不忘蕉黃蘋綠昭  
馨香百年棠樹更培植益令祖烈增輝光民愛君侯  
思厥祖更喜侯能繩祖武始信吾民有二天翻疑真  
宰偏吾土吾家家住三溪邊條柘漚麻還力田經時  
不苦石壕吏林下讀書高枕眠試問枕高誰使然實  
賴邦侯才且賢侯今萬里覲天子子旄子子何時旋  
只恐臨軒徵卓異豈得長爲一方計但願天下皆如

甌四民飽暖吾何求

題一清泉圖送關別駕入計

華蓋峯頭松吐月松下一泉清且冽風含靈籟應蒼  
濤月送流雲沁青雪灑灑瀾瀾漱石根泉頭古蹟恍  
猶存草催康樂春池夢苔繡義之古墨痕使君清襟  
一何似政暇懷賢每來此志在廉泉讓水間家居瀑  
布屏風裡公南昌人送君明發去朝天山色泉聲共愴然  
共道使君清不減爲君寫贈一清泉

王玉淙先生與內君偕壽予寫大羅山圖并作

歌爲贈

大羅之山湧鼇脊僊的飛霞搖海色長庚燭地天四  
垂銀浦白榆何歷歷真氣千年若流水日月別開華  
蓋里瑯琊卜世共靈長寶樹青葱映金紫次公開美  
有門風問旬甫七初稱翁寧知僊史居塵世信有人  
間許侍中公亦爲丞交戟下歲星避世依金馬漢皇  
好道非僊才掉頭還我華陽社華陽社裏日似年太  
玉微通小有天天上櫂歌飛畫舫鏡中樓閣卷風泉  
人行深竹迷青靄客醉高花臥紫煙句綴鹿柴摩詰  
畫墨翻魚網蔡侯牋九苞靈鳥栖珠樹千尺瓊芝產  
玉田內君亦佔丹臺籍華髮齊年仍比德黃姑分石  
與支機素女傳書教鍊液雙函尙記初度辰頰暎蓬  
壺開壽域三素雲飛錦字新六銖衣剪江霞碧迷迭  
香中展芳讌不獨鸞輪集僊眷更看庭下列兒孫觸  
目琳瑯人共羨錦屏花簇錦模糊獨寫羅山佐玉壺  
他年拔宅朝元去好附金箱五嶽圖

登天台華頂尋王右軍墨池

池上有太白讀書堂中肖二公像志稱右軍  
尋許彥度至此太白訪司馬子微讀書池上至  
今遺跡在焉醉後作歌并寄王永叔給事

昔聞王右軍來尋許彥度又聞李青蓮亦以子微故

二子俱爲千載人李也爽邁王清真神遊入極恣揮  
斥氣壓五岳爭嶙峋方外襟期擺人世區中心賞辭  
風塵墨池書堂留絕頂巖扉長闕烟蘿春我來弔古  
山之側古堂倒影池光黑白雲天末日悠悠手掬寒  
泉薦瑤席予度當年去不還子微已悔出名山寄語  
西莊王給事吾將揮手謝人間

山下有山  
名司馬悔

從華頂下趨石梁美道中二十五里皆五色杜  
鵑花蔽天絢日衣袂間紅紫歷亂俱若鮫綃龍  
錦熒熒不定真平生奇觀也大叫作歌

籃筍東趣石梁弄仰瞰青天唯一縫千崖噴薄百重  
泉返照入林如潑汞磴石犖確緣青溪廻看華頂垂  
天梯山花萬樹漲嵐靄高林咫尺令人迷纈如珊瑚  
宮前九霞散又如芙蓉闕下五雲爛武夷綵幔集鸞  
輪織女機絲照銀漢欲行不行還倚杖廿里疑穿金  
谷障好從深處著茅堂床頭霞酎和花釀狂挿繁花  
倒綠尊醉臥落花日酣暢年年歲歲落還開誰復開  
時一度來笑殺名園誇芍藥黃金先築避風臺

送關別駕擢滇中北勝州守

昆明遠接華夷界萬里黔巫連徼外馬蹄行盡貴陽  
山天半滇城青若帶碧鷄金馬城頭見日射昆池明

素練白雲擁蓋雨隨車九十九泉分邵甸六詔中當  
北勝州太平官府卽僊遊四時天氣常三月千樹花  
林無九秋椎髻夷官叩馬首共拜漢家新太守銀榼  
檳榔供作茶雕盤椰子呼爲酒太守此時方問俗文  
教行看移卉服何如夫子愛居夷不數文翁能化蜀  
我惜吾州別駕賢相思遙隔貴陽天不分迴車仍捨  
犢每逢飲馬亦留錢宅年北勝較東甌聖主書徵關  
內侯粵浦瓣香沈去水鬱林片石載輕舟

西臺反招辭登巖灘白雲原弔謝臯羽

并序

粵人謝翽宋丞相文文山公客也宋亡翽避地

桐江時登子陵釣臺以竹如意擊石歌曰魂來  
兮何極魂去兮江水黑化爲朱鳥兮其味焉食  
歌畢竹石俱碎已又撰西臺慟哭記後人悲其  
意類有和章予登桐江尋翽葬處賦此以弔之  
紫濛赤狐吞漢日天若穹廬黯無色淚迸燕雲魂未  
歸蘋綠楓青江水黑勞勞誰是田橫客筑劃寒波裂  
雲石六龍不返虞淵夕魯陽聲吞無氣力鴟張鴟怒  
朱鳥餒鏤心洒血凝爲碧西臺遺響令人悲土花烟  
莽埋殘碑嗚呼狐烹日還出西臺之淚今應滅  
戲贈吳下周生生能以徑寸竹管及桃核沉檀

香屑雕鏤花鳥人物工巧若神

周生二十好眉宇雖不通文解文語細削雕鏤若鬼神因物隨形析纖縷贈予桃核如菴羅上刻廣寒之宮玲瓏炯窗戶素娥僊僊霓裳羽衣紛以舞老桂婆娑根礪砢兔向桂根提藥杵人間巧技一何奇信有吳剛修月斧老眼一線了無覩小兒從傍爲予數誰云技小不足傳棘猴玉葉俱千古周生周生莫羞沮君不見壁上么蟲工捕蠅尙得令人稱作虎

吳翰宇以雙松見贈移置山壘歌以爲謝

吳郎焚修稱佛民栽松道者爲前身夙習難忘植雙樹長鏡斲破青嶙峋拂簷盤攫厖十尺斑駁已具虬龍鱗顧余雅許歲寒友贈之笑指蒼髯叟不辭移置向山齋優覺涼雲滿虛牖憶昔與君俱少年春衣夜宿桃花烟繁華夢破悟禪寂入社晚締東林緣人世浮榮任虛擲握手相看頭欲白宅年松下共結廬坐對叅天二千尺

送莊明府入計

永嘉孤城枕東海景純秘記逢千載雖云神秀效靈符風聲寔借神明宰借問神明宰爲誰晉陵莊侯今在茲春風橐籥應青瑄陰陽燥濕調朱絲恭默自神



功自倍雨露布獲天何私高齋退食門如水太玉飛  
霞當棐几一蹊桃李本無言四野舂歌已盈耳操清  
壁上有懸魚化洽桑間見馴雉明鏡寧因屢照疲善  
刀立使全牛委聖朝奏績倣周官還從六計分梟鸞  
元朔五雲開闐闔先期萬國集衣冠忠心自信波濤  
易廉吏寧知道路難鳧化王喬雙舄去囊存劉寵一  
錢看鴈鴻翻向南天渡雨雪應憐北地寒父老無由  
遮去轍但從日下望長安君不見飛霞松間一片石  
謝客當年來蠟屐又不見太玉峯前一勺泉右軍昔  
日餘殘墨兩賢徒以文翰傳千載猶令感遺跡何況  
我侯德邁倫足掩前美揚清塵天長地久口碑在兀  
與九斗爭嶙峋

補洛伽僧淨如來自故人張叔駸所重陽前三  
日過訪予山中時予病初起淨如將有薊門之  
遊出卷索贈口占以復

宰官曾謁張無垢居士湯尋何子有阿師來自小白  
華濯濯人如春月柳塵撝海藏現毛端裏吐潮音作  
雷吼野夫抱病臥空山經時已杜毘耶口雕菰炊飯  
薦伊蒲木蘭墜露分天酒洞庭綠橘未經霜籬下黃  
花到重九一瓢言入薊門遊欲狎王公作師友清涼

山頂雪消初乾闥城頭日生後長安驀直一條街欲  
出風塵須抖擻

三溪釣叟圖歌贈陳入素文學

三溪之水澄且鮮溪上晚山生紫烟長松影落赤虬  
臥古藤漠漠風涓涓阿誰獨坐弄釣船釣竿遠拂滄  
浪天細認無乃陳伯子畫史托之毫素傳華陽之中  
碧霞斃風髯玉貌神飄翩陳伯子閉門讀書三十年  
牛腰兩束皆奇編渾噩追太上幽渺叅靈詮撰結準  
前古點勘窮丹鉛珍奇耀瑰玖芳鮮襲蘭荃鸞鳳恣  
軒翥蛟蜃蟠連聽用之足以瑞昭世贊重卒補龍袞

調朱絳昇平坐可致三代五緯各以其序咸無愆胡  
爲乎徒有彌天之網不羅鸞鷲羅鷹鷂坐使青髯成  
華顛卽令華顛尙可坐而論治道胡爲乎鶴書日下  
仍茫然懷中連城白璧竟未售夜深光恠往往聯星  
躔以茲於世不足玩掉頭長往風仙仙手持渭川竹  
口諷南華篇不設會稽獐不釣槎頭鱖釣亦不得得  
不賣卷綸濯足聊窮年目送雙鴻落遠渚狂呼明月  
來前川晞髮自兀傲鼓枻隨洄沿茶烟濕翠壁永光  
生白泉江妃天鏡頰可拾海客石華時共搴我亦卜  
宅三溪邊與君早結名山緣我放歌君扣舷歌曰卒

龍兮蜿蜒抱珠兮高眠歛風雲兮不雨八埏欽波濤  
兮自偃九淵嗟嗟龍兮神孔全已再歌曰老鶴兮蹠  
蹠瞥雲兮孤鶩掠縞衣兮辭華軒唳玉禾兮戲芝田  
嗟嗟鶴兮骨欲仙我歌已闕月將落惟聞石瀨鳴濺  
濺永願與伯子烟波泛宅相周旋

題玉洞桃花萬樹春圖壽麻城李太公

玉洞迢迢敞玉京桃源隱隱接桃坪春風早汎陽林  
萼春水先浮曲澗英露綴花光晴亦雨霞蒸花氣夜  
還明泉香欲下銜芝鹿谷暖頻催選樹鶯泉香谷暖  
仙源家處處明霞暎白沙世外洞天秦日月雲中雞

犬晉桑麻何人愛住仙源裡九鰲仙翁李夫子雅慕  
龐公臥鹿門已道庚桑穰畏壘挈響移時花覆船棹  
聲過午花侵几丹成竹節刻蘆刀酒泛蘭英調石髓  
種桃却憶領桃都幾見天河長白榆書附鶴奴邀羽  
客夢飛鼇背隔蓬壺仙郎况是金閨彥丁年奏賦麒  
麟殿人傳佳句似陰鏗帝識歲星爲曼倩太母同書  
玉牒名前身自是彡都眷千年桃實薦壽卮五夜桃  
花簇芳讌花迎彩服共爛斑花暎瓊枝更蔥蒨我貌  
仙源洞裡人桃花萬樹駐長春他年試按圖中景來  
向仙源一問津

題周東村松泉高逸圖壽良峯姜翁七十

東村胸中富邱壑黠黠螺烟恣揮霍此練閱世歷三  
朝墨瀋風神宛如昨堂上忽驚翠壁開壁峭澗迴泉  
噴薄長松天矯鬪赤虬萬鬣怒張勢盤攫雲黑驟疑  
雷雨至風號似聽波濤作丹楓烏柏野塘晚隱隱松  
陰綴亭閣亭中高士古冠服姑射雪容同綽約函閭  
雕椀壘冰桃亭前童子調兮鶴人間此境不易逢披  
對儵然思寥廓細觀高士似誰者髣髴姜翁其人也  
堂上亭中坐相向恍若朝來爲翁寫從來人奇事亦  
奇爲翁更作松泉詩何以侑之金屈卮泉以方翁明

潔之素志松以壽翁歲寒之英姿況翁居當華蓋麓  
萬松沸枕泉通池入丹壑兮攀紫芝拂白石兮彈朱  
絲穴石著秦系之什掉頭哦聲叟之辭足以忘老而  
樂飢待君十年亦不遲起來還爲王者師翁謂此言  
非我知但指畫中高士其庶幾問翁爲畫畫爲翁笑  
而不答將無同神仙只在人間任千載移居指葛洪  
元人王叔明有葛稚川  
移居圖爲世所稱賞

項懋德水部奉使歸里茲當還朝過訪東渚山

中言別詩以奉贈時懋德往七閩省覲尊公月

山先生廣文邸中方歸

昔年君作天都長天與名山寄真賞香案雲開對縣  
門霞色生衣峯在掌人間金穴指此邦鹽鐵如山走  
商駟使君一笑若浮烟但問朝來山氣爽作令曾無  
種秫田爲郎不愛水衡錢海壇坐客古堂在江聲四  
壁生寒氊翻愛野人開竹逕竹裡漁樵共鄰竝片石  
琴尊幾放歌秋水扁舟再乘興寧親方自七閩廻無  
那王程後命催高情淡蕩狎篇咏欲發不發還遲個  
陪京粉署多清暇落日鍾山在官舍拄笏詩成誰與  
論應念渚東風雨夜

仙門圖歌爲王昭采賦

君不見昆邱之寶瑾與瑜滄溟厥產招涼珠瑯琊仙  
冑接緱嶺仙骨迴與常人殊又不見仙門子麟之定  
鳳之雛何年謫放來清都濁世可兀傲泥不染青  
蓮跣風期彡散寄遐矚不煩逃覽探方壺仙門之山  
在何許乃在大羅之間東海隅千峯臥波若飲馬一  
輪出海飛陽烏層標高與元化俱頰視人間如積蘇  
仙門子鷺子明清矚鬢鬢頗有鬚放神恣八表冥心  
栖一區袖裡縮五嶽毫端吞五湖玉函金石錄霞籤  
山海圖杏堂錦石幽花扶鷓鸞噦噦鳴高梧豈若夸  
毗兒腰間懸韃驢游閒玉勒桃花駒問之胸中一字

無仙門子飲玉漿兮飯雕胡灌瓊田兮色敷腴安用  
駕黃鵠何須躡青鳧仙門子居塵出塵真丈夫九垓  
汗漫天爲徒乃知仙門只在廊廡下白石清泉良足  
娛爲君起舞歌嗚嗚定見東海三廻枯因緘雙魚問  
麻姑

呂元輝太學碧澄閣歌

閣在東湖仙壇山麓上有葛稚川丹竈遺跡時  
同徐時瑞章元曙孫光前光翰施天治天覺諸  
君子讌集同賦

愛爾飛閣河之東倚檻玉壺清若空遙吞海日曙光  
晶赤霞倒射潛蚪宮空波漠漠散晴靄文毅沉沉生  
白虹梵書真籙襲芝檢主人兀傲般其中博山沉水  
動窻練欹案散帙看飛鴻翠壁千尋插水底忽當人  
面青濛濛上有羽人縹緲之仙壇飈輪雲馭去不還  
紫芝瑤草誰翻攀鶴上瑤笙月明裡八琅飄落雲之  
間積雲古木蕪烟徑爾復千秋挾其勝八窗組繡開  
錦屏九疊風泉入明鏡天容適逸縱豪吟地與幽奇  
動高興嗟予十載幾臥游雪裡扁舟今始命句饒臨  
海和羊何人豈臨邛過程鄭況看四座羅衆賓名理  
超超俱絕倫竹林寂寞竹溪冷古人寧必非今人不

沙古堂集 卷十三  
辭此夕呼一醉烏啼睥睨晨星墜醉拂蒼苔石上題  
留與山翁傳故事

汲古堂集卷之十三

東甌何白无咎著

五言律詩

苦雨十首

長夏翻蕭颯真披五月裘竹含山影夕松應礮聲秋  
風雨移鰲極烟波結蜃樓未須憂澤國天地亦虛舟  
病色便支枕清齋對暮林葦門無式駕藥裹自關心  
竹氣含殘雨烟光抱積陰跼鳶愁霧潦何似武谿淫  
半畝青山宅清晨自糞除草深三月雨苔暗一牀書  
褰幙時通燕疏泉欲種魚江南卑濕地愁絕對鷓鴣

跡散神何放雲舒意自閒  
賃春居廡下賣藥寄人間  
嗜飲非荒宴逃虛習閉關  
隔籬呼酒伴牛屋對青山  
行雲連晦朔淄淄暮江垂  
未測乾坤意難占箕畢期  
力耕生事晚肺病著書遲  
寂寞揚雄草空求異代知  
颺母朝仍見行雲濕未還  
愁霖猶病稼噫氣欲聳山  
近寺微茫裏空亭曖曖間  
反關塵事絕長日闕蕭閒  
菰蔣颺江湖高林鶴鶴呼  
城烏啼睥睨梁燕語侏儒  
薄俗無今日青山有故吾  
久諳禪悅味松下供伊蒲  
蒼藹沈東嶺微鐘殷上方  
晚涼蘇病骨夜色傍醫王  
水觀離塵網蓮燈澹竹房  
時瞻金粟影親見玉毫光

江市渾連水斜暉着釣槎  
鳴蠅栖樹杪行蟻上簷牙  
翠帶愁蕩草紅衣落藕花  
魚龍太澆濁爲扣阿香車  
獨念冥栖意塔焉何所爲  
枕裁無患木草長合歡枝  
卽事愁能破孤生病不辭  
禁方殊謬誤差有濁醪知

宿清谿菴

此鄉吁可恠十里曠人烟  
鬼嘯青林雨狐叅白社禪  
幽篁迷往路絕澗疊飛泉  
孤客窮相傍羈魂耿未眠

臥病山雨閣雜言六首

山雨夜來作蕭蕭枕上生  
不眠支鶴骨匡坐候雞聲  
涉世悲生事居貧見物情  
昔人曾病渴未敢望金莖



涼意歇疎雨雲光歛白虹鳥鳴殘夜月螢亂暝林風  
心折荒雞後愁深警柝中平生兩眉宇端不向人工  
峰霽碧摩天林清響暗泉雙鷗盤曉色孤磬出蒼烟  
蒿目寧時事蓬心且歲年何煩枚叔賦高臥亦翛然  
緬懷谿上勝茵閣對雲林塔爾迹名者豈然愛足音  
借鋤無德色抱甕杜機心我欲攜妻子於焉竝陸沈  
種樹於吾拙艱難亦自花癯空頻潰蟻葉暗屢驚蛇  
采掇侵晨露逡巡逗晚霞因之觀物理聊以閱年華  
千尺築糟邱崇朝但拍浮萬編開墨藪率歲送窮愁  
醉就中山臥醒從上古遊如斯吾事辦寧顧鶴書求

送林玉父北上赴潘侍御之召

幸舍猶虛左君才足可依易消燕市酒信美帝王畿  
垂白高堂髻流黃少婦機殊方見秋色好逐鴈南歸  
苔朱光祿在明

共尋南戒勝籃筍出丹楓夜壑明殘雪秋泉落斷甃  
芳蘭徒在握飛藿倏從風引領碧雲去因之寄海東  
同楊木父過林翼之林仲一山房

愜爾意中人空林岍葛巾膾來漁市近酒壓鷺瓢新  
山月秋今夕烟霏晚四鄰清暉對披豁欸欸得吾真

盤山道中曉發

月寒沙路白爽颯客愁新積水頻縈馬空林若有人  
風廻紛落葉草暗忽明燐十里衡茅曙荒雞滿四鄰  
哭劉忠父

官左身仍死書成志未酬神應騎六氣業已辦千秋  
斑管書文伯糟邱謚醉侯於君有餘貴寧復恨藏舟  
寄懷邵少文時少文養病桐嶼山莊

憶爾閉關地悠然忘世喧綠波青蔣亂白雨翠屏昏  
人世渾閒事殘編亦剩言無心舒一嘯清旨合蘇門  
眼前無俗物何恙不蠲除藥氣透深竹松風約亂書  
少多閒靖趣近與世人疎自可交游絕言詩或起予

蘿燈宵禮佛林雨晝分眠支枕聽黃鳥思君臥紫烟  
冥心各有得幽意總難傳清旭輕鷗外相將與放船

廢寺

空山無鳥雀雲日晚淒淒石雷鳴琴靜藤花步障齊  
獨行隨虎跡清嘯應猿啼偶剔殘碑讀苔荒姓氏迷  
長干精舍晤文太學

昔離傷荏苒良晤愜蕭齋瑤草忽盈把珠光朗入懷  
江帆過越嶠風柳落秦淮一夕雙龍合仍嗟羽翼乖  
舊遊張夕讌河曙促離盃變曲丁都護才人薛夜來  
辛卯歲予東歸文弱雲栖苑樹寒月下胥臺容易宮  
生座有薛姬行酒

鴻歇筵篋掩紫苔

不待公車詔仍浮海客槎明河憐永夜青鏡感霜華  
協律歌傾國夷光尙浣紗謾驚遲暮節絕豔映明霞  
何仁仲初至白門官舍夜同汪仲嘉過集分得

尋字

騎驢到官舍種竹未成陰淮水賢人酒鍾山隱吏心  
府中怕趨走方外狎招尋共話燕臺筑易令寒漏深  
木末亭曉矚懷龍君御謝少連時少連客君御

莊浪署中

秋色朝暎裏蕭條樹杪看雲霞上陵美風雨故宮寒

去國崔亭伯浮家管幼安與懷無與晤林墮葉聲乾  
簡所知時予將有廬江之役

晚出名難附長貧衆所輕江山流寓跡風物古今情  
露白溥鴛瓦礎清接鳳城乘流吾欲渡肺病入秋平  
黃巖灘夜泊懷木父少文茂倩

落帆遵枉渚蕩楫信微風樹密方舟隱洲迴曲岬通  
薄雲巾翠巘殘雨閣丹楓相望遙遙夕含情誰與同  
夷猷窮眺聽引領極青蘋山影暮愁客溪光清蕩人  
楮林花氣合選樹鳥啼新裴疊殘暉色無媒寄所親  
寄程仲權時仲權客楚中有悲憤詩見示

蕭瑟氣悲哉登高宋玉哀無情江漢水有限古今才  
裘馬雄心改風塵老病催楚天寒雨夜旅夢好歸來

崔姬館同程康伯宴集

春風動簾額春思蕩琴心殘雪粧梅淺晴波着柳深  
楚腰宜艷舞吳會合繁音莫待傷離夜雙尊誰與斟  
崔館送客之夷陵

別酒若爲醺離歌耐可聞銜悲向湘水流恨託巫雲  
烟雨夢何極江天望不分知君斷腸處猿樹空氛氲

雨中策馬至宜城縣

水國半烟雨楚天陰乍晴泥深征馬澀雲重去鷗明

望遠心俱折登危骨屢驚垂鞭欲有問失喜見孤城

漢口三首

寒郭晨光裏輕烟水國浮榜歌江夏酒商女洞庭舟  
遠浪鳧磯小寒花雉堞幽歸心與羈思眺聽獨遲留  
楚山連百粵江漢合沅湘川嶽雄圖在風雲伯業荒  
皇風天共遠聖世日重光憔悴依劉客登樓一望鄉  
登蹟聊極目不獨畏途難沙樹先秋落江湍未夕寒  
舟人喧客枕舍長厭儒冠望遠憑何寄涼風折紫蘭

雨

芳樾宵沉沉晨光晶復陰低雲拂遠水疎雨響高林

哀樂傷中歲艱虞損壯心閉關人事絕自覺酒盃深  
賦得寒夜聞霜鍾

金氣淬霜清寒鐘應律鳴軋雲浮遠水呼月上層城  
景霽飛音厲檐虛試簾輕南樓吹笛罷復和擣衣聲

曉

曉霽宜羣動禽聲亦自春閒身方屬我物候復催人  
潭影吞芳樹蘋光寫素鱗不須鉏氣色野老得予真

夜

寂歷愴忘寐抽書坐夜闌兩深殘燭暗蟲響古堂寒  
餘日能相假清尊幸自寬角巾叢竹下細酌老江干

神樂觀

珠殿宵沉沉瑤階九曲深荷雲乍時氣叢檜紫堦陰  
一代興王跡千秋過客心五莖無復奏風籟送遺音

至日別陳柴中并簡高行之將軍時予將有廬

江之役

薄游廬子國惜別謝公亭落日懸江樹鍾山虛翠屏  
愁添南至日跡散向晨星為語雲中守清時諱勒銘

留別程泰冲

臘殘頻送客日暮獨愁予賴爾同羈旅時能問索居  
晚耽庾信句少薄計然書明發廬江道清霜滿鹿車

送王文學偕同里黎孝廉之京口訪弟

嗟君仍臥疾行役復它鄉石友談粉社山童檢藥囊  
旅愁生白髮客路逼青陽揚子江邊渡相求有鴈行  
同蔡駕部蔡民部宴集到彼菴座客有吹簫者  
時攜古揚欣賞賦得三首

仙曹休沐暇出郭問禪栖苑樹雞圍寂城雲雉堞齊  
聞歌鶯欲下仰秣馬頻嘶桃李春風夜須防過客迷  
宰官初竝駕居士舊開林斜日含春溜寒霏重夕陰  
衆香來法供七寶合潮音樹杪青山色悠然吏隱心  
鳳吹宵泠泠烟光竹外青地疑邀笛步泉試品茶經

內史來禽帖華陽瘞鶴銘焚香共清賞縹酒易爲醒

客王長公無漏園雜言十首呈次公主叔方伯

暨諸郎伯燮伯度伯繩

水部藏書處歌鍾感昔遊芳蘭猶十步遺草已千秋  
遠樹春天綠寒江日夜流風期寄冥漠長嘯一登樓  
錦石交文甃銀牀引碧梧花明時骨蝶柳暗欲藏烏  
月白梁間楊烟青竹裏厨五漿知已饋况復薦雕胡  
霽日搖芳蕙條風汎落梅林香薰晚酌野色上春臺  
南阮多名士西園盡上才題詩坐空翠片月渡江來  
江左神明胄烏衣此代興世隨金馬直人擬玉壺冰

勲業無前烈禪宗最上乘焚香披毳衲得似罽賓僧  
王氏三珠樹天台五色霞蟠根自僊窟含藻揆天葩  
吐鳳窺芳草來禽揚白麻誰能攀頂去且及宴桃花  
行藥中林出片雲天際閒香臺幽七寶烟岫擁雙鬢  
逕仄迷花入崖欹引樹攀忘言拂苔石宴坐未知還  
名里是高陽芳園擬辟疆竹寒疏石氣萍密暗池光  
丹壑開人境青山戴女墻謝公行樂處勝日引壺觴  
烏帽時行散微風陌草薰池通滄海月峯割太湖雲  
籬曲幽花綴巖扃細路分橋中歌楚頌空憶比封君  
香閣翠微外寒鍾應遠潮影懸青漢塔高映赤霞標

清世河難涘察天路不遙欲騎遼海鶴緱嶺坐吹簫  
久客翻爲主馴鳥不避人柳深芳墅月花暗石橋春  
石室留金記仙家有玉真胡麻如遇源水是通津

時予將入  
天台山

答金元玉孝廉四首用來韻

藝苑論鴻業君才起鴈行清新窺月露森爽挾風霜  
意氣憐飛動神情接混茫五言輕萬戶不羨托侯章  
洵美無如仲時能步履過赤城霞色晚滄海月明多  
易挹三危露難擠九醞醴壚頭新柳色不醉奈君何  
古意園中柳新聲陌上葉春風動羅幙宵月隱芝房

行酒深觴政爲歡  
賸樂方非君誰與  
適清夜未渠央  
藥裹無時間逢春  
酒禁開清羸宜鶴  
骨跼踏損龍媒  
寂寞當時事飛揚  
異代才吾將拾瑤  
草早晚向瑤臺

長溝舟膠二首

波光搖白舫柳蔭  
覆青簾過嬾拋書  
帙征心颺酒帘  
十朝淹蓐食百里  
滯郵籤遮莫升沉  
理無煩季主占  
天垂齊野曠路繞  
漢宮斜堤暝先歸  
柳川明緩落霞  
并兒衣韎韜羞樂  
奏琵琶魂斷湯湯  
水遊人去日賒  
將之吳社中諸子  
出餞江上得還字

斗酒城壕暮依依  
去住間竹林違舊  
社花事別春山

月出寒潮上鍾殘  
送客還未能辭物  
役媿爾白鷗閒

桑溪道中

旅宿投寒月林炊  
戒曉霞碧溪流野  
市綠樹蔭田家  
火耨留殘燒風殮  
對落花酒鐙隨地  
覓一路閱春華  
黃山草堂爲朱時  
行賦三首

爾家住名嶽屋底  
聽潺湲紫芝榮暖  
谷青桂冒寒山  
鳥拂餘花落鶴帶  
斷雲還悠緬軒皇  
蹟龍髯省莫攀  
碧潭垂釣石翠壁  
讀書臺偶隨麕跡  
至時聞鳳嘯來  
人貌天倪合盱衡  
靈氣開方學東方  
隱林狝未可猜  
墨林開萬軸汎覽  
獨冷然予經揚子  
授赤字許詢傳



霧磧流丹氣霞扁逗紫烟賞音無與晤永夜拂冰砵  
重卒寺別朱時行用韻

送爾出精籃風雲暝樹含歸心懸越鳥客思老吳蠶  
別淚深交盡窮途久客諳無情亦愁思孤劒響霜函

富陽別林生同賦折楊柳

津亭亭畔柳露葉未舒輦遠道愁難折相思日夜新  
眉窺臨鏡婦花撲渡江人何處傷心地風烟滿富春  
宿仙都坐月望獨秀峯懷鄭中丞

衆峯茲獨秀不問定知名星動崖雲逐林空露葉明  
十年塵土客一夕羽毛生老吏歸何晚新芝又幾莖  
過西隱精舍訪余節侯分得心字

寒江喧夜枕念子臥西林飽歷羈孤事因傷倦客心  
鐘聲沉夕雨佛影冷秋陰細酌柴門酒蕭然道韻深  
題長干怨別卷

苑柳澹華滋長干欲曉時春情黃鳥緩歌思綠琴遲  
楚岸將愁引湘波與夢期定知大隄上新月想蛾眉  
送客還夷陵

歸人江上棹流歎及春遲花盡黃陵廟雲深玉女祠  
離情漢水廣鄉夢嶽蓮滋莫遣臨卣髻秋來比素絲  
送楊汝麟翁洋授徒

莫辭今夕醉講肆定長醒日日江船至家家海市腥  
博物知龍鮓熬波出虎形魚鹽有膠鬲莫厭老明經

宿陳翊唐山齋

君齋何所有一曲占江春綠酒稱歡伯紅蕉字美人  
客尋村徑遠俗驗土風淳流寓昔賢意吾將擬卜鄰

滁陽

路近滁陽驛長懷庶子泉片鴻鳴曉雨一鶴弄江烟  
捧擁中官至喧呼午夜傳廐人貧到骨惜馬更分錢

從人索賄  
號惜馬錢

吳閭北濠水樓

南北一濠水朱欄兩岸憑畫船迴夜雨珠斗錯春燈  
度曲游兒慣藏鈎姹女能客愁正無賴直遣酒如灑

寄子馬

左尉官何左山川限一隅江聲連白馬雲氣拂蒼梧  
飛夢春猶隔題書歲屢徂悠悠隨欸段誰復惜泥塗  
同崔姬程生泛江上

天碧哀長笛風遲浦口帆蘋香流畫扇江色上春衫  
顧曲逢公瑾調絲對阮咸江南春草外落日半峯銜  
清明日過康裕卿先生舊居康久客燕市歸隱  
山中僅二載歿

誤從塵土老稍傍石林眠白髮空餘日青山不待年  
草堂仍舊主鄰塚已新烟誰復知余意心傷魂寂然

久雨喜晴

欲霽靄仍沉風低力未禁野光流日氣山暗黠雲陰  
稍稍花舒萼沾沾鳥弄音衣裳猶覺重迎爽一披襟  
重過仙巖寺

重尋香積路塔影出雲層澗杵喧春碓庭花落古藤  
舊依雙樹宿夜對五臺僧欲語無尊宿繙經傍石燈  
登桐廬驛樓

水宿疲舟楫晴天喜驛樓風波殊浩蕩身世共沉浮

海樹迷春望江花倚暮愁故山有遺逸宛宛弄羣鷗

瓜子湖阻風

風亞崩雲黑崇朝此繫船土人媻水草社鼓斷春田  
命寄鼉鼉窟愁催犬馬年僕夫殊未覺白浪穩高眠  
湧興二首

嬾慵便高枕閒身委物情鄰翁忘識姓山鳥問知名  
歲拓皇圖版春消瀚海兵經時忘灑掃新筍上堦生  
一物真何補天猶養不才如何衰朽質難免世情猜  
日落孤雲細江空片月來鄰人送魚鱉吾不廢銜盃  
登雲峯望海尖

東峯一逕通鍾梵亂雲中木葉響如雨石潭清若空  
倚杖忽移日披襟欲遡風迴看所來逕天畔指飛鴻  
淮陽酒肆逢王俠游

王生歌慨慷日暮酒壚傍匹馬渡淮水十年歸夜郎  
寶刀明隙月旅髻颯秋霜好共田橫客門前種白楊

寄內

已解思無益柔情時黯然應逢初度日記得在家年  
積水流螢度虛窗片月懸夢啼誰與喚弱女正嬌眠  
孟公仲宣德懋携尊相過

秋聲正蕭颯客舍徧梧桐朋舊宜來數壺觴幸未空

葑去泥疲去馬花淞阻來鴻兩袖龍鍾濕非關泣路  
窮

寄荅李明府

不堪吾有七敢謂士無雙書素來淮水緘題自楚邦  
鹿鳴思野草鷗汎劇春江叢桂煩招隱松風且北窗

焦湖

亂山青映郭一水白吞城龜眼長防赤用焦湖老姥事龍鱗

未可嬰客心爭北渡鄉夢數南征日暮烟波思漁郎  
自濯纓

晚尋巢父洗耳池遠眺焦湖

湖周遭八百餘里三百六十汊之流匯焉中有  
公姥兩山

日月疑從出乾坤似向分兩山相牝牡一氣自氤氳  
龍起朝吹浪鼉蟠夜吐雲更尋巢父跡池草動清芬

喜晴

不寐呼童僕窺天數啟關忽傳殘夜月照見隔林山  
下榻催燈至比鄰乞火還理裝翻自笑祗益髻毛班  
同逆旅主人過包龍圖香花墩祠堂

主人憐廓落訪古得幽偏洲偃波間月橋飛鏡裡天  
稗官空志恠雪貌儼如僊此地宜清夜何人與放船

淮陽夜雨懷方湯夫

異國過逢少淒涼紺殿陰無人時獨在感子思彌深  
久客疑秦贅微痾起越吟淮陽秋雨夜酒罷忽聞磬  
東城晚眺

野花危堞晚上一悲辛土壤吳畿接風烟楚甸鄰  
世情殊鹵莽客路日荆榛車馬班班地誰爲失路人  
再過包孝肅香花墩

郭南包氏里待制跡猶存奕葉還遺廟香花亦故墩  
地偏無好事愁破憶攜尊寂寂尋來逕城陰碧水昏  
金斗曉發

野望山形斷雲開見壽陽草低車轍水柳脆石橋霜  
馬氣衝寒白鴉翎閃日黃心知歸路熟似減去程長

清微郵舍

暮山青滿屋鄰樹翳積垣燭暗飛蟲亂庭空齧馬喧  
心驚湘水客夢引越江魂月黑聞吹角於菟夜繞門

望仙樓

中天鈴語細雲杪見飛薨窻岫層層碧風泉泯泯清  
星榆紛引矚珠樹廻含情仙路何寥廓紅塵白髮生

遇仙宮謁張三丰像

蓬壺窈窕難卽冀一遇真君不返寥天鶴空餘叅嶺雲

型金傳委蛻芝檢閱靈文見說仙臺月瑤簫靜夜聞

早發紫霄

空林晨露濕初日正蒼涼青漢挂松磴紫巖開竹房  
世應疑太始境亦似寥陽念此同懷客幽心未可將

青羊澗

昔聞關尹子石上覓青羊曲磴迷仙蹟何人辨洞章  
樹光泉眼碧雲氣嶺頭蒼鳥路虛烟夕微鐘動上方

萬丈峯

方士從半壁結茅虎皮張修道處

虎皮曾羽化半壁尙誅茅澗飲隨猿挂風栖竝鶴巢

險憑橫木渡陰借翠藤交揮手徒爲羨塵心可易拋  
口占贈愁道人

松根一片石坐待孤雲歸白鹿候驂駕兮熊時守扉  
禹糧含露滑堯韭冒烟肥相對了不語天風吹薜衣

桂閣

桂閣月盈盈曼姬體復輕霞綃凝夜紫縹酒壓春清  
彩艷銷蓮炬淒風澀鴈箏門前烏柏樹啞啞曙鴉鳴

汲古堂集卷之十四

東甌何白无咎著

五言律體

寄林郡伯四首

一從迴五馬無復寄雙魚父老傳遺事循良未絕書  
鑑湖寬帝澤粟里愛吾廬脫躡人間事蕭然下澤車  
天與辭叟袞青山弄紫霞龍蛇驕澤國鷄犬藹桑麻  
指佞曾無草忘憂尙有花浮雲連北極今古一長嗟  
人世自汶汶聊從麕鹿羣舉肥今自見好少古來聞  
遠興隨芳草幽心指白雲吾將攜杖屨同謁武夷君

豈有騷人怨何煩佩紫蘭冶容媒俗易古道適時難  
江浦蕉花綠山城荔子丹全椒孤客在風雨郡齋寒  
苔洪從周和來韻

爾亦逃清世余先臥綠蘿盈盈望城關脉脉渺星河  
舟認源花入琴隨磫竹過不辭雲際宿殘夜聽農歌

通源洞

初疑雲路絕忽轉紫崖通光射天窗日寒吹雪竇風  
谷喧春磫鳥潭飲石橋虹得似東林客題詩與遠公

般若臺

一嶂虧天景千花湧法臺遠看雙澗雨忽與片雲來

緇竹浮輕浪驚波殷薄雷午鍾方咒食信鳥下蒼苔

懷秀公

香臺依繡塔竹靄四鄰青陰洞潛通海飛流響建瓴  
碧潭虹照影丹嶂鶴疏翎記得尋師處同繙石上經

懷仲一

俗薄宜求野青林有素交蹲鴟收北垞脯鹿薦中庖  
釀具鄰家借山經野客抄草堂無俗駕江鳥自來巢

懷良甫

梅仙栖隱處蕭曠負無聞樹密交禽語花深下鹿羣  
虹明橫海雨風掣渡江雲把酒憐之子儵然出世氛



望故鄉

白雲東海至知是故鄉來我住容成洞門當子晉臺  
家人應望遠旅客未言迴目極門前路江花落復開  
送友人先還永嘉

廓落栖吳市淒其感越吟燈花同旅夢夜語洽鄉音  
平陸蛟龍窟浮雲水國陰家書猶未達因爾寄歸心  
開元寺再別紹仲時余將有白門之役

豈戀九峯勝猶栖雙樹間長爲渤海客未買沃洲山  
秋信來鴻早時名去鳥閒誅茆吾計晚車馬亦班班  
離夜

廣儲界斜漢華池揚素波離堂暖銀燭別酒思琴歌  
濛濛烟幕樹隱隱月低河故情那可盡上路已鳴珂  
寄王光祿二首

青鬢先辭秩居然邴曼容江聲大羅月雲色半華松  
世業傳名草清襟薄素封不須參繡佛惺寂契心宗  
華蓋東頭路青山曲抱城林端開別館霞杪見飛甍  
秋氣分襟爽湖光與席平儻能搽畫舫簫鼓月中行  
季輿以詩見懷步韻奉荅二首

野艇趁樵風往來湖上同烟光含霽雨日氣抱殘虹  
事足艱虞後談深感慨中與君寥廓意搔首送飛鴻

蕙蘭元異本意氣有同心竹逕鏘哀玉匏尊注鬱金  
閒情鳧渚釣幽賞蟻陂琴俛仰先民意清標自古今

曉泛

朱炎銷宿雨清曉似涼秋蘋末含風細烟波進櫓柔  
目恬羣有適慮澹衆峯幽漸覺靈襟豁漁歌若有求

江上

殘夜故園夢經年旅客顏桐陰委晨露江影冷秋山  
鶴鶴盤仍下鷗鳧去不還羞將塵土髻重對菊初班

懷吳少君

緬想清輝骨金華吳鐵冠梅花古苔靜鶴影空江寒

避俗長年病看山并日殮華陽夜深月曳履步虛壇

聞

帝澤元無外王師示有征忽聞驕敵潰已解朔方兵  
邊將休閒纓狂生湧請纓江湖無術數天地正昇平

過鳳陽

一自亡元入天狼彗紫微宅中蒙古地祗左侍臣衣  
淮海真人起皇圖歷數歸至今雲五色猶繞六龍飛

清明周南道中時河溢歲儉人相食

九河迷禹跡萬戶失堯封近市無新火飢烏下夕春  
祠官沉璧馬太祝祀金龍

河神金龍大王  
祀典特隆

故老經過

地烟花綺陌重

華陰廟

雨霽華陰道天青白帝宮明星僊掌動高樹嶽雲通  
辛時飄清樂神光燿彩虹曉來飛翠濕寒色滿關中  
雕陰道中

塞限羗仍募城存谷未平山川秦上郡宮闕漢西京  
風急雲鵬勁沙寒代馬鳴可知斑定遠元是一書生  
重過雄石禪室

靈山含紫氛一望一細縕深樹銜朱閣空潭飲白雲  
林霏分遠近石黛變朝曛十笏支郎地能容許掾分

季輿瓠閣八首

一曲湖千頃平吞文室間鏡中飛畫舫枕上疊寒山  
梵筴逢僧譯茶經對客刪浮雲殊未極輸與道心閒  
水檻通秋爽攤書盡日凭鏡機含寂照觀物契真乘  
樹古藏風雨波空散鬱蒸綠陰漁父醉落日在懸罾  
烟荔娟娟淨風篔嫋嫋斜香稬雲子飯寒水綠沉仄  
鷺坐橫隄柳魚驚曲岸花兒童少機事不遣釣爲車  
用拙今爲政藏名隱是真蠹魚能樂府草木近風人  
大令鵝羣帖華陽鹿耳巾欵言聊命棹水宴未辭頻  
湖光先曙白積氣變朝霞菜甲分農圃溪鱗給釣槎

天青松影直山碧鳥行斜已識餘生理傾壺就落花  
子晉賓仙去空山有吹臺烟霞渺予望笙鶴幾時迴  
大藥嗟何就芳尊宜夜開最憐明月下竹外棹歌來  
湖形分磬折冉冉曲雲涼村白曳殘雨林明生夕陽  
磬聲香積院鶴跡午橋莊久不來行藥藤花滿石床  
人外論真契徽音亮在茲寸心應有會微尙復何疑  
宇宙今誰在文章老自知松陵饒倡和皮陸擬同時  
重過瓠閣和前韻八首

溪合東西崦居當二崦間夕虹常帶雨秋水欲浮山  
字許桓譚賞書從汜勝刪未能忘竹素長日一消閒

綠酒欣相命烏皮嬾自凭留髡狂未已訪戴興堪乘  
湖日金波委林花紫霧蒸漸看平楚暝燈火亂魚罾  
莎堤沿水曲村逕逐門斜彭澤先生柳東陵子母瓜  
冰絲閒玉匣蓮鏹繡苔花莫論雄飛事降心付麴車  
瓠落從吾好交情見爾真神龜甘曳尾飛鳥肯依人  
桂舸先秋具柴車向晚中涼雲吹杖屨未厭放歌頻  
初日生東嶺遙連海嶠霞壽藤攀作幌枯木偃爲槎  
澗石挈音響風林帽影斜東籬未岑寂秋色漸黃花  
樹色橫侵閣洄波曲抱臺席前漁艇至花外酒船迴  
天鏡流光入峯蓮倒影開東林齋磬歇歸鳥逐人來

澤國清秋遠蒹葭白露涼酒應傾下若池卽儼高陽  
法侶尋支許彖言得惠莊反關無俗韻清夜每聯床  
十里桃花水仙源豈異茲如何武陵隱翻遣晉人疑  
邱壑日堪往風塵終未知長憐古高士抗跡亂離時

三過瓠閣和前韻八首

何必羲皇上已超人世間牀頭忽明月臥內亦青山  
馬白辭空辯雌黃口不刪天風灑晞髮目送去鴻閑  
谷虛靈籟發片石靜堪凭白鳥沙邊狎烏犍雨後乘  
藕香溪女雪梨熟野人蒸大澤便高臥彖龍不可嘗  
隔水青蓮字幡幢竹外斜比鄰分筍蕨開土供茶灰

烏啄香臺飯麝銜覺苑花時來法雲地一聽演三車  
幼輿元放達逸少本清真外物知無我中林合有人  
茶烟浮石鼎花露墊烏巾無那提壺鳥枝頭勸客頻  
斜光在蘋末涼酌酌流霞欸乃生漁浦烟波盪客槎  
蟹寒迎露咽螢濕受風斜誰謂溪楓冷青腰染作花  
林轉高橫閣籬紆別引臺侍童聞客喜游女觸人廻  
蠡胥晴絲動魚吹碧荇開晚來星在罾疑有弄珠來  
嵐嶺鈎簾出風泉卷幔涼駐顏殮巨勝益算采昌陽  
鍊藥逢梅福論文得謝莊嘯歌聊選勝隨地徙胡床  
昔賢思避地予亦卜於茲直道猶三代今人自九疑

朱絲存古調白水有深知永矢平生意千秋此一時  
四過瓠閣和前韻八首

清時借石隱共任翠微間示疾稱金粟當歌倚玉山  
竹書猶有紀稗史不須刪試誦幽風句田家亦未閒  
濟濟偶忘遠行逢古樹凭三溪深不極一葦近堪乘  
鳶綴長松上菌從斷枿蒸稍聞新令急權稅及湖罾  
感慨昔人句飛騰暮景斜但教灑似酒安用棗如瓜  
交讓臨池木忘憂繞砌花灌園今異昔竹下響翻車  
閒中叅白法靜裏契參真天末思君子西方憶美人  
足忘能適屨髮短不勝巾每到無言處還令擊節頻

咫尺辛夷塢丹樓望若霞  
流起長笛淺瀨嚙浮槎  
叢桂千林馥蒼筤万玉斜  
含毫昔有賦曾詫夢生花  
鴈齒飛虹棧湖心印月臺  
練光雙澗落雲氣萬峯廻  
松院蒼濤合蓮塘錦浪開  
緱山雙白鶴似待主人來  
解衣恣槃礴灌頂有清涼  
爲問金門直何如潁水陽  
隱居言易放調世語難莊  
誰謂元龍傲猶分上下床  
耦耕終不悔卒歲總因茲  
何用青錢卜元無赤弩疑  
遠心隨地寂真隱畏人知  
始信長林下依然太上時  
酸口施食二首

心外元無法根塵妄作因  
竟殮方屬厭說食已生津

立可除飢餓須憑轉法輪欲知無不足挹水向河濱  
能飽恆沙衆香林飴一盃上游傾法乳大海盡醍醐  
六道空流浪三塗定有無乾城看漸滅殘夜動陽烏

孤征

乘風過泊處日落尙孤征晚怯水天闊時驚菰蔣鳴  
始欣兼往路轉念緬歸程誰信初稱壯暗中華髮生  
莆中林伯玉客安固陳少府署中寓書相聞并  
示羅浮八咏臨發操舟過訪相遇中流未幾引

去因用羅浮詩韻奉贈五首

羅浮盤粵嶺曾作采真游海日生鼇背雲帆壓蜃樓

丹砂勾漏近瑤草洞天幽八咏清如許遺音嗣隱侯  
分以神交合心從尺素通吳箋流艷雪楚賦挾雄風  
禦寇高騎氣張騫遠鑿空看君飛動意安用叩鴻濛  
一臂旋相失差強剡上迴竹林思向阮蓮社得宗雷  
佩解青琴去伯玉與歌  
姬借來珠探赤水來可教東渚月空  
掩北山萊

吾友全椒長徽音久不聞尺書思會面梁月感離羣

余全椒宗漢寄書伯玉  
約予東遊未幾而沒一別成黃壤空山斷白雲更

慙徐孺子誰表太邱墳謂伯玉同鄉陳公衡君侯也  
公衡墓草宿矣未及一致生

芻言之  
於邑

鄧林千萬葉樹樹盡琳瑯爾傍哦松尹時過夢草堂  
離心對甌水歸路指莆陽他日壺公屐相期宿上方

贈陳少尹三首時擢衡州叅軍

民戴還稱母公真不負丞清心金掌露爽氣玉壺水  
涓滴河分潤汚邪歲婁登喜看初報政已有紫泥徵  
安固環江嶠爭推百里才鳴絳繭雪汎迎刃鏑蓮開  
退食雲生閣題詩月映梅土風如建德井稅不煩催  
穎川稱儁俗佐邑賸輝光客有林君復才如錢少陽  
叅軍趨幕府去路指沅湘他日雙松在清陰比召棠  
晚晴行藥至後村寄楊木父邵少文

濕翠浮新靄高原碧樹滋水邊殘暑盡鳥外夕陽遲  
雲氣隨行近蟬聲逐聽移漸宜傾綠醞思與故人期

王伯無廣文攜一童子抱臥具邀余共宿能仁

精舍適天台僧照宗亦至信宿清言頗極枯寂  
之致紀事四首

人外得真契連床依定林殘燈對危坐妙香清道心  
喧枕夜蟲雜釀寒山雨深欲知離言說試鼓無絃琴  
廣文冷不足仍愛竹林眠蔬斲旁生筍茶烹品外泉  
談詩如說偈了義即離筌晚傍樵風便山光半在船  
童子似彌猴山僧若海鷗去留隨泛泛身世信悠悠



沙石堂集 卷十四  
烟雨連農圃風泉撼佛樓始知空寂舍一法本無求  
疲病嗟吾老杯盤到爾寬閒心知永日劇語失更闌  
林僻梵音寂山空烟火寒無令虛此夕良晤古今難  
和樵李孫若英書寮一韻八首

試讀與公賦塵襟已滌除張華殮異鮓甯子食飛魚  
趣或因心會機應與世疎中郎如倒屣一探帳中書  
君齋如在眼花藥暎前除有夢應吞鳥無心豈羨魚  
烟波槎不繫霄漢網何疎定續龍門業家藏禹穴書  
市塵煩磬洗林葉倩風除門靜無題鳳琴清有聽魚  
碧梧依井密黃菊暎籬疎樵客傳真錄因窺太上書

時選南湖勝非關爲祓除水禽何鶴鶴童子亦魚魚  
尊長青絲弱松寒翠蓋疎野王堆尚在雲護讀殘書  
曾參甘蔗氏俗諦日蠲除酒禁馴狂象齋期報粥魚  
翳消華自滅境寂夢應疎時過東林社閒繙竺國書  
蓬戶經時閉蒼苔欲到除閒情圖蛺蝶幽興狎禽魚  
茶熟期僧鬪花飛過客疎寄言山吏部嬾著絕交書  
幽事如相約清狂耐可除自芟三徑竹嬾種九溪魚  
洞壑題將遍烟霞計未疎芝苓吾自給不試計然書  
中年捐夙好清癖稍難除霞醞浮香醴春櫻漬木魚  
紫蘭露下折青桂月中疎尚有閒緣在能抄汜勝書

山齋雜興用瓠閣韻八首簡季興

我還用我法材與不材間閉閣宜聽雨搯頤亦見山  
微言如有會少作不勝刪更有東林約同貪佛日閒  
老惜三餘晷書床盡日凭田家殊少暇農隙正堪乘  
蕙暖風光汎花晴露氣蒸偶窺濠上意感歎及晨昏  
一區藏窳窳引徑曲還斜筇覓嘉陵竹苗分異域瓜  
稻畦多種秫菜圃半栽花誰謂籬金盡床頭贖五車  
君平終避俗許邁久尋真忽遇平生友俱疑隔世人  
市朝非故物童稚已勝中華髮今如此能忘笑語頻  
歲時占老圃陰雨卜朝霞水國渾連海洲居若泛槎

山禽調曲換風柳著行斜不記中宵醉晨看舞帽花  
雕龍元剩技市駿只荒臺碣石當年事邯鄲一枕迴  
蒼苔無客破綠醞待君開細雨江村路還能跋屐來  
霽烟初逗暖芳樾午含涼玩易從蜚遜稱詩和載陽  
禊氛銷海色漁獵較鄰莊漸醉春風眼拋書下竹床  
梅尉辭官日曾聞隱在茲至人無不可下士但傳疑  
真賞從誰得心期許爾知應教千載後有恨不同時  
寄和匡山社諸君子集張鼻胥蓬蒿園分韻詩

十二首 有序

南州張鼻胥示予蓬蒿園雅集詩一編予讀竟

沙古堂集 卷十四  
竊歎曰大江之藪何地無園何地無蓬蒿第無  
蓬蒿園客耳是則蓬蒿園名海內非幸也予不  
知蓬蒿園作何狀日取蓬蒿園什讀一過則蓬  
蒿園隱然在予眉睫間予就眉睫之所見按而  
和之得詩亦十二異日肩瓢笠謁匡君并索諸  
君子於茲社請先以是詩爲世外雲霞券不識  
蓬蒿園主人更能著此一門外漢否也

未入匡山社匡山生眼中遙憐羣彥集雅有昔賢風  
屐齒看花折文心琢葉工誰能如介雉吾欲命飛鴻

用余潛穎  
陳韻

張星本天上曼倩偶人間奏牘辭金馬藏書傍碧山  
曼胥爲洪陽  
相君介弟春江鷗欲下珠樹鶴初還何事雙龍氣  
猶令斗色殷用朱伯壘  
十五刪韻

關逕應三曲爲臺定九層雲光生積水月影臥寒藤  
楚佩紛裁芰吳歛豔采菱忽驚春礪鳥客散出林鐙

用羅叔敬  
十蒸韻

花片流殘雨崇光洗石泉游蠶喧藥徑老鶴恣江天  
黃石曾傳素青衣亦與予寧知謀野獲肉食正囂然

用朱仲衡  
一先韻

中林長謝客一水歎伊人入竹還迷逕排花始認津

沙晴分鳥跡松老坼龍鱗枕上匡廬瀑因君夢轉頻  
用張阜逸  
十一真韻

人境滿清暉還疑在翠微雙桐生露井片石護雲扉  
辭賦關開闔風塵有是非眷言子乘子吾與爾同歸

用張阜胥  
五微韻

蓬蒿路不分抗志謝人羣竹素千秋業蟲魚五嶽文  
拂絳邀月露染翰挾春雲欲問平泉跡樵歌下夕曛

用胡賓美  
十二文韻

陶劉遺往躡惠肇洽清襟客去雲窺席僧來月在林  
香臺喧鐵鳳霜簷應臯禽一悟空三際方知出世心

用余節侯  
十二侵韻

暝色薄郊坰風烟暗草亭河流樹杪白林火雨中青  
松子洪厓飯蓮花竺國經應知抱剎者聊爾托沉冥

用彭仲升  
九青韻

徑寂忽聞香行行過草堂陰麋流斐几金鱣滿藜床  
客座青氍暖朋尊綠醞涼引人著勝地長日到羲皇

用王伯仲  
七陽韻

竹屋火初明匏尊酒復清風林鳴藥杵夜榻覆棋枰  
丈室函三藏談郭擬百城不知人世裏蠻觸自縱橫

用樊致虛  
八庚韻

未覺芳園少  
睠茲名士多  
卒言探理窟  
藻思渺烟波  
吾亦宜蓬藿  
人皆艷綺羅  
因君到臨海  
應許和羊何

用李雲將

五歌韻